

O trenigu

Trening koji organizujemo u partnerstvu sa Veterinarskim fakultetom u Sarajevu, polaznicima omogućava stjecanje praktičnih vještina koje su im potrebne da kompetentno i pouzdano izvedu OVH i ORH zahvate. Hirurška sterilizacija je važna za dobrobit vlasničkih, i od ključnog je značaja za kontrolu populacije napuštenih pasa. Potreba za ovom procedurom je sve veća jer sve više vlasnika razumije zdravstvene prednosti ovih zahvata, a sterilizaciju/kastraciju ljubimaca smatraju dijelom odgovornog vlasništva.

Trening ima tri cilja:

1. Usavršavanje vještina veterinaru kroz obuku u praktičnim vještinama iz OVH/ORH, a koje se mogu primijeniti i u drugim zahvatima, npr. u eksplorativnoj laparotomiji.
2. Podizanje svijesti o važnosti brige o pacijentu, prije, tokom, i poslije hirurškog zahvata, kao i stjecanje samopouzdanja u primjeni općih anestetika dostupnih u BiH.
3. Razumijevanje važnosti uloge veterinarske struke za odgovorno vlasništvo i kontrolu populacije pasa.

Obuke

H- VTP

Trening pod nazivom "Usavršavanje hirurških i anestezioloških vještina orhiektomije (ORH) i ovariohisterektomije (OVH) pasa" traje sedam dana i zasnovan je na intenzivnom praktičnom radu. Odvija se pod mentorstvom lokalnih i, kada je to moguće, međunarodnih veterinarskih stručnjaka. Ovaj trening namijenjen je isključivo doktorima veterinarske medicine.

A-VTP

Trening pod nazivom "Usavršavanje metoda opće anestezije, efikasnosti analgezije i principa dobrobiti životinja (pasa)".

Osim veterinaru koji su obučeni u H-VTP, za hiruršku proceduru su potrebni i stručnjaci osposobljeni u anesteziji, a koji mogu biti veterinaru ili veterinarski tehničari.

Odabir kandidata

Prednost u odabiru imaju:

- Kandidati koji su u stalnom radnom odnosu i imaju najmanje pet godina radnog iskustva
- Kandidati iz lokalnih zajednica i veterinarskih organizacija koje su već uključene ili je planirano da budu uključene u Dogs Trust Programe
- Kandidati koji su se ranije prijavili (kandidati se razmatraju po hronološkom redu prijavljivanja)
- Kandidati koji se aktivno služe engleskim jezikom

Uvjeti prijavljivanja

- Kandidati sa VSS u zvanju DVM mogu se prijaviti na oba treninga, (H-VTP i A-VTP)
- Kandidati sa SSS u zvanju veterinarskog tehničara mogu se prijaviti samo za A-VTP.
- DVM kandidati moraju imati važeću licencu, i BiH državljanstvo i prebivalište.
- Kandidati veterinarski tehničari moraju imati BiH državljanstvo i prebivalište.
- Kandidati su obavezni prisustvovati obuci na VFUNSA svaki dan obuke.
- Trening za A-VTP traje od ponedjeljka do subote, a za H-VTP, od ponedjeljka do nedjelje.

- Za H-VTP trening, kandidati su obavezni platiti kotizaciju u iznosu od 150,00 KM, a za A-VTP trening, 100,00 KM.
- Certifikati o uspješno završenom treningu će biti uručeni zadnji dan treninga.

Evaluacija uspješnosti kandidata

Uspjeh kandidata će biti procijenjen prema sljedećim parametrima:

1. redovno prisustvo,
2. vođenje anestezije, i
3. u slučaju H-VTP treninga, hirurške vještine

Dogs Trust za učesnike treninga osigurava:

- *Besplatan ručak*
- *Hotelski smještaj počevši sa danom prije početka treninga za kandidate koji u prijavi naznače da im je potreban.*

VAŽNO: Dodadni COVID-19 uvjeti

Svi kandidati treba da imaju jednu od sljedećih potvrda:

- Negativan Antigenski test na COVID-19 ne stariji od 48 sati
- Potvrdu o vakcinaciji na COVID-19
- Potvrdu o prebolovanom COVID-19 ne stariju od 6 mjeseci
- Negativan PCR test na COVID-19 ne stariji od 48 sati

Napomena: Ovi uslovi se mogu mijenjati u skladu sa službenim propisima koje izdaje nadležno upravno tijelo u KS ili FBiH.